

ՄԱՄԲՐԷ՛ ՎՐԴ. ՍԻՐՈՒՆԵԱՆ, ԿԱՐՆԵՑԻ. — Ծ. 1889 ին. աշկ. Արմաշի Դպրեվանքին. Ձու. 1916 ին. Պոլսոյ Մայր եկեղեցիին մէջ: 1916 ին Ընդհ. Պատերազմի միջոցին Արմաշու Դպրեվանքի 16 սաներուն հետ Կ. Պոլսէն կը տարազրուի Երուսաղէմ. հսկող ժառ. վարժ.ի (1916—1917). ուսուցիչ կրօնի Ս. Յակոբի վանքին նախակրթարանին 1918 ին. կը մեկնի նոյն տարին Եգիպտոս և կը կարգուի Առ. փոխանորդ Բորդ-Սայիտի գաղթավայրին. վարած է նաև Բորդ-Սայիտի, Մերսինի և Լիբանանի որբանոցներուն տեսչութիւնները (1919 — 22). այժմ Առ. փոխ. Աղեքսանդրիոյ:

ՄԱՆՈՒԷԼ ԳՐԻՉ. — Մբ. Մանուէլ գրիչ կ'ընդօրինակէ Ս. Յակոբի վանքին մէջ Ճառքնիտ մը (ՄՁ. Թ. 1) (1417—1419). ունի բազմաթիւ յիշատակարաններ, որոց մին է հետեւեալը. «Քս. Ած. քո սբ. վկայիցն բարեխօսութեամբ և ամ. Սրբոց ողորմեա Սրբազան արքեպս. Եէմյ. տէր Պաւղոսի որ յոյժ փափաքմամբ հո զսա գրել յիշատակ իւր և ծնողաց իւրոց, և միւս արքեպս. Եէմյ. տէր Մարտիրոսի և սպասաւորացն սբ. Յակոբայ, առաջնոց և միջնոց և վերջնոցս. այլ և Ածատուր միակեցիին և ծընողացն և ինձ եղկելի և բազմամեղ և փծուն անարհեստի գրչիս Մանուէլիս և ծնողաց իմոյ և բազմերախտ հոգևոր մաւր իմոյ. և թուղթս կոկոզ Մկրտիչին այլ և կարգացողացդ և լսողացդ և որ զամէնն ասեն. ամէն». Չեռագիրն սկսուած է ՊԿՁ (=1417) թուին և աւարտած է Պօղոս պտրք.ի կթղ. ընտրուելէն յետոյ՝ Մըսըրցի Մարտիրոս պտրք.ի ժամանակ, ՊԿԸ (=1419) թուին, չորս հատորի կը բաժնուի եւ մէկ մասն ալ ընդօրինակած է Յովնաննէս երզնկացի գրիչը:

ՄԱՆՈՒԷԼ ԳՐԻՉ. — Մբ. սոյն Մանուէլ գրիչ 1466 ին ձեռագիրի մը ա. մասը «Վարդանայ վարդ. որ ի Մարաթայ», խորագրով. Ս. Հրեշտակապետի վանքին մէջ ընդօրինակած եւ գրած է հետեւեալ յիշատակարանը. «Արդ գրեցաւ սա ի սբ. և յածակոխ քաղաքս եէմ. ընդ հովանեաւ սբ. Հրեշտակապետացս Գարբիէլի և Միքայէլի և ամ. երկնաւոր զաւրացն. որ է տեղիք չարչարանաց Փրկչին. ուր զառաջինն ապտակեցաւ. և յետուն Աննայ քահանայեպետին: Այլ և աստ էջ Քս. երկնաւոր զաւրաքն ի փոխումն Տիրամաւրն. և վս. այն ասի սբ. Հրեշ-